



樂園先生詩存

卷二

| |
|-------|
| 919.6 |
| A8192 |
| |



245472



栗園先生詩存卷二


七言絕句

鶯出谷

巷柳園梅色未深。間關何物報春心。無端憶著
家山曉。慣見金衣是此音。

二月初四與黑素行藤赤山同遊蒲田觀
梅

三浦宗春
伊藤誠得



栗園先生詩存卷二

車聲斷處鳥聲清。梅樹開邊宿雨晴。吹送春風
五十驛。往來人盡帶香行。

廢宅落梅

草芽埋路入無門。殘萼老鶯只護垣。頽戶空餘
一灣月。清香瘦影兩昏昏。

余戲擬鄭所南一百二十圖詩。才短半而
止。今錄其一二。

張仲景圖

上古經方何所見。遺編十六獨存真。獄前只恨

化煙去。不識南陽有活人。

張旭圖

胸中磊落向誰消。狂草揮來氣若燒。酒興吾欣
脫塵帽。醉龍一躍度青霄。

平氏西敗圖

波漾龍舡兵氣摧。九郎威勢叱風雷。誰知他日
鴟原事。也自平軍一敗來。

小督幽居圖

燭淚和愁正有痕。幽光耿耿掩柴門。松風并得

猗蘭操尚拜當年寵賜恩。

絮裝代夫圖

鴛鴦被裏約同歡。心定從容笑語間。今古英雄多錯此。爭如女子處身安。

靜女歌舞圖

強使柔荑奉酒卮。可憐歌舞帶愁眉。源公霸業皆如意。難折鵝原花一枝。

松尼補障紙圖

蕭索松風吹牖過。支寒糊紙將箇箇。豚兒不識

潤家謀。蚤被尼僧來看破。

行宮斫櫻圖

天日將傾海氣寒。三郎籌略太艱難。單身直入貌貅窟。白樹題詩表肺肝。

滿身磨膽墨淋漓。櫻樹題來十字詩。英主不甘越王事。竟教蠶也屬徒為。

鄭成公焚儒服圖

一領戎衣威武姿。勤王事業也英奇。老龍拔海煙氣鬧。正是廟前焚服時。

少女賣花圖

一擔春風活計輕。曉眠喚起賣花聲。新枝只說頭番好。折向誰人送此生。

國府臺懷古二首

總侯此地擁元戎。九世功名一敗空。千古秋風何限恨。夕陽下馬弔丹楓。
兵氣銷沉總海風。鴻臺蕭索老丹楓。山僧未說新霜曉。猶似當年戰血紅。

益清園賞月

風斷黃昏疎雨晴。茗爐吟篔有餘清。池塘漾漾秋荷月。一段幽香一段明。

歲晚簡人

梅心雪意互相啣。歲月駸駸風裡帆。曉起呵毫因何事。寄將舊友募春衫。

題玉蕉女史新刻詩卷

未肯春風誤嫁期。班昭箴誡約芳姿。才華一片何邊泄。織出百篇雲錦詩。

雲晴院席上題茶鐺

鐺院主所造銘曰三星窟其号也別款留

客聽山泉五字因以泉字為韻

遙夜鐘聲撞夢傳。三星燼火伴殘眠。茶鐺自有
幽情趣。細寫松風與石泉。

真如精舍會長壽上人

偏喜盃簪談古今。燈光明徹夜沉深。池庭底事
淒淒雨。也惹閑愁灑鏡心。

小松島

佐藤子老嘗獲松島一片石帶稚
松者命曰小松島

天將松島付高流。特地不須千里遊。勝景當窻
方尺五。一林閑夢遠滄州。

初聞秋風

汗雨未休蓬室中。卷簾只望嫩涼通。半霄香動
木犀上。時有微聲恐是風。

石梁納涼

斗室炎炎暑鑠金。江城豁處試幽尋。石梁一帶
潮頭月。半向吳門半柳陰。

食冰

六月壺中寒色新。未曾到口忽生津。徹心冷味
豈無愁。身是履冰臨谷人。

春半省親還

峽水信山程短長。歸來纔及百花香。春風未掃
閑愁盡。懶對芳樽送夕陽。

讀鄭成公傳似函港浪士

金陵兵勢震中州。雄志寧甘老海陬。朱火燄微
王氣盡。蠻烟蚤雨恨悠悠。

題吉田靈鳳詩卷

文簿場中自有人。幾篇字句儘天真。試看樂地
存名教。何必風流屬隱倫。

夜過蒲田觀梅

晚靄風收護玉肌。滿園春月影參差。吟人自分
落入後。不弄朝枝弄晚枝。

品川口號

綺羅引客多兼少。春色迎人月是花。別有漁燈
點波上。海天擎出一團霞。

寄黑田素行賀其再娶

華燭香薰酒滿觥。一家淑氣覺春生。從今穩結
鴛鴦夢。不怯寒衾雪有聲。

癸亥夏同諸友飲有明樓即事

有明樓畔好維舟。萬斛清風一道流。瀕海將為
戎馬地。誰能載酒繼前遊。

關宿途中作

驛程漸遠入漁家。紅蓼白蘋秋百花。指點水明
山紫處。好將身世付煙霞。

題自肖

志氣比他壯歲卑。清狂却向老來奇。真成措大
為那事。枉把生涯付酒詩。

震後笠間加藤有隣見訪喜賦

翻海裂山若為神。百萬樓臺忽作塵。生死相憐
悲喜際。今宵何料遇斯人。

送松靄師之忍城

杜宇聲中新綠深。寧堪此際共君斟。霄霄擬望
天邊月。猶是故人同賞心。

初涼

青梧葉葉鎖樓臺。秋氣未知何處回。灌水小庭
舒簟坐。可人涼氣扇頭來。

東園詩集卷之三 乙卯七月既望與中林義卿尾臺榕堂同

乙卯七月既望與中林義卿尾臺榕堂同
泛舟於茗溪榕堂詩先就即步其韻

露滴林端水接天。茗溪夜色自清妍。飄然倚棹
一船月。素影照人人欲仙。

月白沙明秋氣清。想知蘇老當時情。樹陰別有
淒涼趣。好把蟲聲代鶴聲。

攀福知山教官岩溪生茗溪觀月韻

岸松溪竹故年心。螢火蟲聲亦舊音。載酒三過
茶水下。依然風月古猶今。

長橋一半遙晴霄。兩岸樓臺水霧消。開豁始歛
塵界遠。况逢髯老作遊霄。

籬下放吟

補成籬落養秋芳。漸見金英吐晚香。有酒有花
幽趣足。吾廬猶是舊重陽。

題橫濱官舍壁

西舶南船衝氣煙。金川海畔別開天。同人喜酌
太平酒。警衛館中高枕眠。

奉命療佛國公使疾口占

東園詩集卷之三 乙卯七月既望與中林義卿尾臺榕堂同

海月之秋山樹春。一年兩度入橫濱。老來未免
風塵累。又把青囊對遠人。

甲子仲冬過秩父山中

武野行過入武山。一流溪水幾彎環。雲深霞隔
淳風氣。即是桃源在此間。

九月初五哭長女倉

五旬輾轉幾悲辛。憐汝遂為長夜賓。心事飄零
隨木葉。秋風蕭索暮年人。

往事算來如隔生。孤魂縹渺若為情。鏡臺一掩

塵藏影。彷彿猶聞喚妹聲。

春遊阻雨

芳辰無奈障遊筇。細雨斜風掩紙窗。幸有家人
養春色。瓶花滿榻酒盈缸。

和杵屋梅山見寄之作

煙霞成癖遂難醫。笑道扁倉奈此匙。別有良方
君識否。有嚴之畫無聲詩。

權藤鈴川大祥與諸子同賦落葉驚夢
歌和

萍分雲散故人離。半世交情祇夢知。樹雨窗風
何太惡。夜來剝啄破相思。

寒夜讀書

飛霞纔收月在天。窓風破夢不成眠。且將青史
當清友。一穗寒燈照百年。

送玉蕉女史歸仙臺

藝圃憐香花競新。朝開暮落不堪春。孰知一個
芭蕉樹。獨向故園長養真。

素行堂集賦呈中山尚樂

賓合群州入洛東。一堂春氣即和同。優遊須盡
平原飲。豈止嵐山多兩風。

墨田觀花

扁舟自一訪花津。幾歲雲煙纏此身。吾輩幸無
題策事。閑鷗依舊繼音塵。

二州槁烟花

客向二州各競遊。滿樓絲竹滿川舟。煙花忽發
空中樹。不識民膏入水流。

雪後早朝書感

東園先生詩集卷二
溝柳園松玉萬枝。大城春色太清奇。人生興趣
隨緣異。不信山衝雪時。

追憶服部子執

多年曾樂與余遊。豈計愁遺忽一秋。殘月當窗
人不見。滿天風露滴空樓。

春日過東台有感

滿山花樹滿林鶯。古寺風光也艷陽。想得當年
琉璃殿。盛紫衣叱咤此間行。

春樵翁八十壽詞應星船子囑

瑞氣氤氳遠賀筵。高歌且莫唱神仙。若將彭祖
八百比。八十人生猶少年。

夢雪

流汗如珠入夢清。瓊樓瑤閣太分明。午風吹覺
北窓下。時聽街頭賣雪聲。

送吉田庶甫歸故鄉

萬仞芙蓉高自擎。思君日向此間行。秋風眼冷
峽山路。杳靄先開高島城。

和田玄晁席上聽彈一絃琴

靖節無絃知者稀。一絃聽得思依依。階前對月
聲清越。柳露松風冷夜衣。

辛亥正月二日夢先考覺後賦

風樹夢驚眠正回。遠遊千里恨難裁。今宵始識
先人德。髣髴音容入座來。

哭中村中保翁

教督多年德正香。那知晚節寄耕桑。一宵忽聽
明星落。雨灑寒燈感淚長。

送白水師歸瀧山

露宿風餐幾往來。仙蓑何處惹塵埃。飄然好去
瀧山下。滿澗杏花爛開。

題畫

玻璃一面絕纖塵。中有孤蓬吟雪人。殘荻枯蒲
凍無影。釣絲未捲月明新。

丁卯臘冬裝先人遺刀喜賦

百戰光芒今赫明。遺刀私自比干城。一宵驚覺
鯨濤夢。枕上蛟龍躍有聲。

火輪船中所見

飛船瞥過幾灣灣。一日東洋萬里間。忽破紅霞
朝旭上。扣舷驚喜紀州山。

寢衣

家母所貽携在阪城

一領寢衣慈母慈。奇溫久護覆吾肌。如今添得
君恩暖。猶憶寒宵索乳時。

中秋應田中華城招席上次其韻

攝海江城各處天。寧知歡會慰蕭然。桂花雨冷
燈花白。獨恨賢郎欠此筵。

讀石川生于役集

高吟剪燭夜將闌。佳勝衝人停手難。想得孟秋
客舟裏。曉風殘月作斯看。

次田中華城寄雲從及余詩韻

俱將白眼混紅泥。笑指先賢與孰齊。淨社一時
清白友。得無相送復過溪。

又次華城韻

終夕盡歡忘却眠。狂痴恰似米家船。別來日日
輿窓底。俯仰瑤篇與嶽蓮。

季秋初七留別華城兄

東坡先生詩集卷之二
十一 敘詩藥室
金城之苦火船辛。抑屈飛騰失我真。文酒因緣
君幸在。斃為風月一閑人。

重陽日過石部驛次華城送別韻

曉風殘月冷行裝。往昔鴻痕猶未忘。鄉思還催
黃菊酒。湖東驛裏作重陽。

九月十三日宿岡崎中秋亦無月故轉結
及之

湖東驛馬勢陽舟。黃葉青山得意秋。至此秋光
益無賴。烟簑雨笠過參州。

過粟津桶峽有感

蘇山朝旭耀京師。駿海洪濤傾一時。今日藻蘋
有誰薦。路傍空見兩雄碑。

原驛望芙蓉有感

雄姿虎踞又龍蟠。峻絕難言画亦難。赧愧江城
寒乞面。只為戴雪覆盆看。

歸家書感

負郭買田螢澤濱。菟裘聊擬養閑身。爭知今日
從名駕。却作輓歌聲裏人。

丙寅抄冬西城直舍偶成

風拂林梢酒忽醒。寒爐紅燼一燈青。轆轤軋軋
遙傳響。人在直曹深處聽。

丁卯中秋西城直舍書感

新月微明夜色幽。高樓獨自賞中秋。去年今夜
浪華雨。隔斷桂香雲自愁。

戊辰春川越道中

老鶯殘萼幾枝枝。深綠啼鶉滿水湄。農父不知
盛衰事。隔田只說麥秋期。

中秋無月直舍書感

邊警時聞魂屢驚。階蟲雲雁睡難成。垣城亦似
知吾苦。三度中秋皆雨聲。

己巳元且次今村了庵韻

周年家族異昏晨。始喜辛盤共賀春。底事東風
還作惡。忽聞北地起沙塵。

初冬遊考槃莊二景

煙雲繞麓水聲迤。霜氣烘霞紅葉饒。想得通天
楓樹峽。夕陽影裡過溪橋。

嘯紅橋

幽蹊別闢水雲區。碧鏡湛花同畫圖。濃抹淡煙
付遠想。斯園便是小西湖。湛花池

首夏壬生道中

豈同客歲起煙塵。秋麥風清野水濱。去向小山
爭戰地。雲鶻聲裡又傷神。

次林學齋小島官廨詩韻

柴門無客薜蘿侵。方見先生避世深。華洛名園
皆昨夢。爭如嶽色與溪音。

孟秋牛久道中

牧馬原頭冷草煙。長湖面面欲開田。吾曹不管
維新事。水色山光別有天。

重九過金川

纔過城市異風光。水態山容秋思長。笑我每如
飄散客。金川驛畔作重陽。

己巳冬得足疾戲賦

其奈五旬平卧身。酒卮易藥主如賓。笑吾不抱
連城壁。徒作山中泣足人。

題自著橘黃年譜

起向殘燈筆掃眠。畧尋舊夢入新編。孑然顧影
吾躬在。批綠橘黃五十年。

庚午仲春寒香園小集

未向家園賦去歸。且迎故舊弄春暉。梅花昨日
飄零雨。又送流鶯濕客衣。
蒼松綠檜影重重。雨後空餘數點紅。休笑閑庭
吐芳少。不教梅樹媚春風。

暮春戶塚道中

咄咄馳來中外人。街頭風捲鐵車塵。尋芳獨去

相州路。閑見櫻雲滿澗春。

金澤能見堂

金澤路從程谷分。山煙霽處水連雲。老嫗只說
佳風景。無復行人問古文。
此地。上杉氏嘗置文庫。今稱文庫谷。

浦賀口號

青山抱水水雲悠。積翠灣頭容萬舟。戶戶烟稠
雞犬足。人間不復夢揚州。

其二

萬櫓森立水西東。酒熟海樓仙境通。漁唱一聲

驚夢斷。始知身在舉門中。

舟中吟

籃輿猶苦雨餘辛。好與同人航大津。數里青山紅葉好。扁舟載酒入橫濱。

初冬泊僻道中

刀水波山極目遐。茅柴買醉見籬花。滿田稻熟村歌聒。不似當年卷塞沙。

仲冬壬生途中吟

半百生涯夢一場。青囊綠帙為人忙。過關宛若

逋逃客。又冒尖寒趁曉光。

壬生城下去還還。桑土蕭然非故關。夾道松杉依舊在。樹間尚見日光山。

抄冬再遊橫濱

越船吳舶競蘭橈。不似前年多暮朝。豪竹哀絲聲若沸。硝燈高照吉田橋。

次栲窓喜多村君見贈韻以謝呈

怪底醫人眼現華。欲攘雲翳幾摩挲。欣君賴有回春術。枯落枝頭又著花。

送白石卯一之日光縣

曾聞北地滯春風。杏艷桃嬌次第紅。明日驛亭
長短路。百花踏遍馬蹄中。

次川路敬齋翁春日述懷韻

摸稜誤事幾年年。終使英雄意慘然。日迫虞淵
力難挽。夕陽紅淡嶽蓮天。

兒惟敬惟季俱舉男喜賦

往年二子共逢危。今日深欣各擁兒。愛著老來
園插柳。又看春綠掛絲時。

宿井戶谷村

山蹊占靜別開門。蒼靄深遮車馬喧。酣醉黃梁
仙夢熟。溫然一夜卧寒村。

壬申牛門迎春

客居四歲已龍鍾。又向牛門寄老蹤。此際擬尋
先哲迹。春臺風月徂來松。

壬申正月龍崎途中

蝶舞蟻旋非我意。卧遊久在水雲間。敢嫌秃柳
癯梅路。笑見蒼溟白雪山。

壬申二月十二日寒香園小集次垣內霞

峰韻

世外歡談醉後歌。清狂畢竟是恩波。菟裘營得
幽閑地。唯為梅花春思多。

壬申首夏赴野臺歸路所見

曉發野臺忙意回。雲鴈聲裏紫花開。綠陰認得
東寧水。也映與窓相逐來。

壬申中秋

月露溥溥零有聲。浮雲掃盡滿天晴。頻年今夜

多風雨。妨此蟾宮一段明。

秋日春雨亭小集

采女原頭新築家。軟紅塵裡占煙霞。主人有意
今宵雨。不啻杏花仍桂花。

明治壬申秋九月。東京創開鐵路。通橫濱。

此日 鳳車試舉。許都人出拜觀。

新開鐵路一條平。瞥見聯車雲裏行。節飲未醒
品樓酒。忽聞橫港掉歌聲。

季秋念五解職作

西風吹葉一身輕。解職始知臣主情。枯柳敗荷
翻不朽。餘恩尚擬養殘生。

冬日寒香園集以題為韻得寒字

勝景無緣水又山。小園純是植梅看。清風幸有
故人過。往日芳盟長不寒。

仲冬既望赴北總千葉驛

醫事何圖煤壯遊。浮船直入古總州。里人切說
故家恨。千葉城邊雲色愁。

赴招偶作水雲客。竹雨松風清我思。新曆人傳

春在近。歸程却值雪飛時。

雞犬聲寒海驛中。兩殘煙起望濛濛。風掀雪浪
天將曙。一白芙蓉映日紅。

癸酉一月第六日過千葉驛

飛轎曉過千葉川。膾殘魚市唱新年。鶯花底事
猶緘口。猶道前冬第八天。

古刀根川 俗稱龜割前將軍遊獵地

春色未回霜滿林。枯蘆殘荻伴行吟。霸圖空盡
刀江在。憶起當年從獵心。

秋夜漫吟次今村了庵韻

秋風吹葉井梧分。孤月當窻巖桂薰。新雁也追時世樣。天邊巧作蠨行文。

十一月十日再遊浦賀

回憶前蹤歲月遙。房山相水宛前朝。又添松鱸青州酒。再度間遊送寂寥。

曉發浦賀

山鐘撞曉報秋晴。浸岸澄波一道平。舉口吐吞千百船。帆中人似鏡中行。

次垣內霞峯歲晚之韻

二千五百卅三年。聖壽增來一祚天。野老還逢

開化日。晶窓奠酒占春眠。

楚辭奠奠註云野葛。荀令以佛國製為奠

酒不知當否

甲戌一月一日值雪書感

松竹連妍白玉姿。樓臺粉飾更清奇。無端想得西城曉。新賜恩衣戴雪時。

次喜多村香城翁新年作韻

新曆還逢歲首天。聖時何用買山錢。人生樂事

吾知足。詩酒清狂六十年。

聞大淵棟庵醫墨堤櫻樹賦此寄呈

墨塢蜿蜒櫻十里。老枝魁瘰卧江磯。賞春世上
多般客。徒愛花多愛樹稀。

國手權奇奪化工。百櫻蘇得立東風。要知春去
春回意。只在妍妍裊裊中。

雲羅霞錦起芳塵。此舉何唯為賞春。堅築將兼
通水利。宜併仁術勒貞珉。

三月六日游寒香園

避世柴門傍水隈。梅花一半逐春開。最憐窻下
衰殘樹。留取餘香待客來。

竹石圖次拜石韻

倚石琅玕秀拔羣。宜期月露與風雲。奇花異草
非吾友。擬把虛心寄此君。

拜石惠鐵筆賦此代謝

絕世風流孰比肩。手携鐵耒石為田。周秦籀篆
妙多少。經緯竟能歸一拳。

聞崎舉笠戶翁訃作

落葉敲窗夢半殘。枕頭驚聽雁聲乾。寧知孤劍
沈西海。霜滿江城星氣寒。

甲戌除夕同塾中諸子分韻

一劍飄飄歲又終。平生心事半成空。寒梅瘦竹
休相笑。儂是明年還曆翁。

乙亥一月一日謾吟

天街車馬賀王正。響入閑窓夢忽驚。椒酒嘗來
仍臘味。曾無一物報春聲。

哭垣內霞峯

霞峯月易沉天外。酒謫仙難住世間。暮雨朝風
知友淚。猶思花下共吟還。

城官寺展劉教諭墓

想昔柳堤醫學開。聲名藉藉育英才。肯將芳烈
歸泉下。微雨春風展墓來。

次清川菖軒七月三日剃髮詩韵却寄

銀海間君轉晦明。南薰一夜掃雲輕。洋風難化
心頭月。古鏡磨來舊影清。

次東台德九師斷梅即事韻以呈

漠漠遊雲風送雷。青青庭樹雨飛梅。上人不管
浮世事。閑對梵經卷又開。

七月七日過千葉驛有感

新開大縣古總州。刺史來分聖主憂。似見當年
天女舞。日旗高揭在層樓。

歲晚氣車口號

火輪轟過片時間。車路不如世路難。三十六回
何所得。悠然袖手見寒山。

丙子一月一日吟

官曆雖回暖較遲。客花纔發小梅枝。閑人只待
春消息。綠意紅情不耐思。

同十一日雪中會高島氏讀金匱要略

四面模糊簇凍雲。朝來六出亂紛紛。高堂亦會
素心友。時讀長沙亮雪文。唐立三日。仲景著書
之首。如雪亮月明。今

人一目
瞭然。

同十四日神奈川曉發所見

天半芙蓉啣日斜。東溟曙色鎖煙霞。路傍殘雪
猶如畫。點綴春風裝鐵車。

二月十七日展谷中垣內霞峰墓

東台無復舊遊蹤。賞月吟花想過從。故友琴書何所瘞。彷徨墓畔聽疎鐘。

四月三日孫識兒病歿。同七日嫡孫直兒亦歿。不堪慟哭賦之。

二孫育得六星霜。擬見他年家世光。底事春風存老樹。一雙枝葉忽凋傷。

長華園雨集。席上賦。似朝鮮信使金綺秀。幽園綠密夏還寒。萬里延君且解鞍。酒味茶香

無異域。風情雨態話團欒。

押前韻送別

偏期不使此盟寒。雲散萍分奈去鞍。早晚唯當追鷓影。使君臺上坐團欒。

栗園先生詩存卷二

跋

近日寫真之伎盛行于世。其照相
真則真矣。然未能盡其神。殊為可
憾焉。詩存二卷。吾樂園淺田先生
之作也。先生之詩。不借修飾。不屑
雕琢。故能寫其神於詞藻中。是以
讀其感慨諸作。可以見先生輪囷

磅礴之態。孤其間。適諸咏。可以見
先生寬厚澹逸之度。其他風流瀟
灑高嶽標韻之致。皆就詩中。可以
見。則謂之先生之一大富真可也。誠
頃與三浦生相謀。上梓以須同門
之士。將以俟讀者。清之聲音笑貌
精神心術于此卷。是誠志也。豈待洋

伎之照相而始為得先生之真哉。刻
刷功竣。為書其尾。

明治丙子十一月中。澁門生伊藤誠
拜識于明舟坊登春館中。

清可老人書



果園坊生語集

勿言齋室

明治十年一月六日御届
同年三月十日出版

著

者

淺田宗伯

東京第四大區十小區牛込横寺町四番地

同第二大區四小區明船町四番地

出版人

伊藤誠得

十二

